



**Komisija za izbor i praćenje rada Agencije za prevenciju korupcije i koordinaciju
borbe protiv korupcije**

Broj: 01,02-50-1-910- 1 /10
Sarajevo, 14.7.2010.

Z A P I S N I K

**s konstituirajuće sjednice Komisije za izbor i praćenje rada Agencije za prevenciju
korupcije i koordinaciju borbe protiv korupcije**

Sjednica je održana 14.7.2010., s početkom u 14 sati.

Sjednici su prisustvovali članovi Komisije: Niko Lozančić, Beriz Belkić, Milorad Živković, Dušanka Majkić, Sulejman Tihić, Milorad Vulić i Mirsad Abazović.

Član Komisije Ilija Filipović bio je opravdano odsutan.

Osim članova Komisije sjednici su prisustvovali: Marin Vukoja, sekretar Doma naroda PSBiH, Sadka Đonko i Alma Salkić-Mijić iz Sekretarijata PSBiH.

Sjednicu su pratili Medina Delalić iz Sektora za odnose s javnošću PSBiH i predstavnici medija u BiH.

Konstituirajuću sjednicu sazvali su Niko Lozančić, predsjedavajući Predstavničkog doma, i Sulejman Tihić, predsjedavajući Doma naroda Parlamentarne skupštine BiH. Niko Lozančić otvorio je sjednicu.

Komisija je jednoglasno usvojila predloženi

D N E V N I R E D

1. Izbor predsjedavajućeg, prvog i drugog zamjenika predsjedavajućeg Komisije;
2. Prijedlog poslovnika o radu Komisije i
3. Prijedlog javnog konkursa za imenovanje direktora i zamjenika direktora Agencije za prevenciju korupcije i koordinaciju borbe protiv korupcije.

Ad.1. Izbor predsjedavajućeg, prvog i drugog zamjenika predsjedavajućeg Komisije

Do izbora predsjedavajućeg, prvog i drugog zamjenika predsjedavajućeg sjednicom je predsjedavao Niko Lozančić, predsjedavajući Predstavničkog doma PSBiH. Dušanka Majkić predložila je dr. Milorada Živkovića za predsjedavajućeg Komisije, Niko Lozančić predložio je Iliju Filipovića za zamjenika predsjedavajućeg, a Beriz Belkić predložio je Mirsada Abazovića za drugog zamjenika Komisije. Ovi prijedlozi jednoglasno su usvojeni, pa je **za predsjedavajućeg Komisije izabran dr. Milorad Živković, za prvog zamjenika predsjedavajućeg Ilija Filipović, za drugog zamjenika predsjedavajućeg Mirsad Abazović.**

Milorad Živković, novoizabrani predsjedavajući, zahvalio se na ukazanom povjerenju i preuzeo predsjedavanje sjednicom.

Ad.2. Prijedlog poslovnika o radu Komisije

Predsjedavajući je otvorio raspravu o drugoj tački dnevnog reda.

U raspravi su učestvovali Niko Lozančić, Beriz Belkić, Milorad Živković, Dušanka Majkić, Sulejman Tihić, Milorad Vulić i Mirsad Abazović.

U skladu s primjedbama iznesenim u raspravi, Komisija je jednoglasno usvojila sljedeće prijedloge, koji su postali sastavni dio Poslovnika, a koji glase:

Član 4. mijenja se i glasi:

"Član 4.

(Izbor predsjedavajućeg i zamjenika predsjedavajućeg)

Na konstituirajućoj sjednici članovi Komisije biraju predsjedavajućeg, te prvog i drugog zamjenika predsjedavajućeg, koji ne mogu biti iz istog konstitutivnog naroda."

U članu 5. stav (2) briše se.

U članu 8. u stavu (1) riječ "pet" mijenja se riječju "sedam".

U članu 18. stav (3) mijenja se i glasi:

"(3) Javni konkurs bit će objavljen u "Službenom glasniku BiH", "Službenom glasniku Brčko Distrikta BiH", u tri visokotiražna dnevna lista dostupna na teritoriji BiH i na veb-stranici Parlamentarne skupštine BiH."

U članu 22. u stavu (1) riječi: "u roku od 10 dana" brišu se.

Komisija je jednoglasno usvojila tekst Poslovnika o radu Komisije za izbor i praćenje rada Agencije za prevenciju korupcije i koordinaciju borbe protiv korupcije.

Ad.3. Prijedlog javnog konkursa za imenovanje direktora i zamjenika direktora Agencije za prevenciju korupcije i koordinaciju borbe protiv korupcije

Predsjedavajući je otvorio raspravu o trećoj tački dnevnog reda. U raspravi su učestvovali: Niko Lozančić, Beriz Belkić, Milorad Živković, Dušanka Majkić, Sulejman Tihić, Milorad Vulić i Mirsad Abazović.

Komisija je jednoglasno usvojila prijedlog da se u tački IV. javnog konkursa briše tekst koji glasi:

"Zabrana diskriminacije: Nijedna prijava ne može biti izuzeta iz razmatranja isključivo na osnovu kandidatovog spola, rase, boje kože, jezika, vjeroispovijesti, političkog ili drugog mišljenja, nacionalnog i socijalnog porijekla, veze s nekom nacionalnom manjinom, imovinskog statusa, rođenja ili drugog statusa."

a u tački V. briše se tekst koji glasi:

"Cilj intervjuja je da se utvrdi stručnost i osposobljenost kandidata za obavljanje poslova te krajnja i ukupna ocjena kandidata."

Komisija je jednoglasno usvojila

Zaključke

1. Javni konkurs za imenovanje direktora i zamjenika direktora Agencije za prevenciju korupcije i koordinaciju borbe protiv korupcije objaviti u "Službenom glasniku BiH", "Službenom glasniku Brčko Distrikta", Oslobođenju, Večernjem listu i Nezavisnim novinama, te na veb-stranici Parlamentarne skupštine BiH.
2. Uputiti javni poziv zainteresiranim institucijama da su sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije otvorene za javnost i da mogu izraziti interes da njihovi predstavnici prisustvuju sjednicama Komisije.
3. Za realizaciju ovih zaključaka zadužuje se Radna grupa Sekretarijata Parlamentarne skupštine BiH.

Sjednica je završena u 15 sati.

Zapisnik sastavila
Alma Salkić-Mijić

Predsjedavajući Komisije
dr. Milorad Živković